



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五九

陸密菴文集二十卷錄餘二卷陸密菴詩集十二卷 陸求可撰

一

誠正齋文集八卷 上官鉉撰

二〇七

于清端公集四卷附刻一卷 于成龍撰

五一三

同學諸子鑒定

陸密菴文集

思過堂藏板

張序

柳河東曰文章可報國恩洵斯言也觀金石被管絃薦之郊廟所以扶助風會豈淺鮮哉顧吾人策名盛世媿無志爾誠束修其身如古諡臣經術則坐而言出而建膚功偉論聖門四科未有專尚一塗者若騷人墨客月露之章君子鄙之必也有志皎然上論古先帝王將相禮樂兵刑水火教養職方名山大川諸奏疏封事審其踳駁駁鑿而宣導之發皇之然後以臚列掌故無不宐也猗歟難言已山陽陸子密菴爲予乙未分較所拔士其人蚤慧夙授強記博聞未壯而登朝已噓雲布綺吐棄批糠兼敷歷中外汔綰文柄皆苦窳親嘗寬猛互濟是以其爲文也獻可替否則鼂賈公孫策問之條對也辨理闢邪則鹿洞鵝湖

張序

覲面之印證也讀史興懷酌古人待來者則同父正則之晤言也登山躡勝浮吳會探八閩則延平大滌之臯比也筆劄碑版有典有據則西京之雜記東都之長編也溢而爲詞賦出經入史吾怖其言若河漢而無極也韓昌黎有言餘事作詩人若密菴之詩之詩餘豈餘事哉使天假以矍鑠則爲

張序

二

皇朝釐郊祀之樂章訂史錄之總裁其仰若殊遇行翹車埃之矣惜乎其限於年而遺書猶存以酬

國恩不其然乎不其然乎予不禁爲撫卷而泣然流涕已古薊通家生張永祺謹序



宋序

予年友陸公密菴文集若干卷刊成其嗣學博志謹械其書寄京師問序于予予讀而歎曰古之立言者其企于傳乎益以徵文人之有後云何以言之天之傳人也傳其人之心與神爾心神在國家國家傳心神在山水山水傳心神在朋友僚家朋友僚家傳而忠

宋序

二

君愛國事親信友唯在薦賢蘇軾不云乎薦賢者宐有後彼文人之薦賢不能惴惴無華也則詩文傳詩文傳矣尤賴子孫賢傳詩曰式穀似之又曰以似以續莊生謂副墨之子雖誦之孫豈非以子孫之纂輯卽箕裘之良規歟予嘗讀史至五代時和凝身爲文人而自鏤版以行世史氏譏之使凝之子爲父鏤則君子必許爲孝文人之

有後不相得益彰歟廼天未欲凝之傳則凝不能薦賢而天之報施善人可知矣今予于密菴三歎其薦賢蓋察密菴之心神無刻不在忠君愛國事親信友發爲文章詩歌有不啻若自口出者非予言之孰有能曉晰而播告後世者乎予與密菴同舉于鄉同受知於夏邑崔夫子之門同售禮闈同受知於大興張夫子之門惠好若兄

宋序

二

弟一疾苦必相告一疑義必與析密菴見一善必喜得一友若驚其杼爲詩歌古文詞直寫其緇衣豈弟之旨而高者峭者平者實者博者大者典而則者麗日星而鎮河嶽者其氣足舉之其攸好德足發之也密菴成進士筮仕裕州爲兵馬蹂躪之鄉密菴唯手一卷與多士呶唔不輟而治辦陟刑部又手一卷與同官呶唔不輟而曹

務辦及官學政八閩士子仰如慈母嚴父而汲引理學闡揚經術至今嘖嘖輿頌焉密菴之薦賢何如耶予嘗以書告密菴曰延平大滌之書皆門人刪訂而成子他日名山業必有捧瓣香于築室者若元定之學光大于厥嗣吾于賢子孫卜之以天之報施不爽也密菴復予書以牙曠相望而未幾計音至又未幾國博果械其刊本至

宋序

三

幸哉有子如此國人之稱願然非天啓之耶禮曰無美而稱是誣也有美而不稱是不仁也誣與弗仁令嗣其何敢其何忍昔韓文公有子不能讀父書而昌黎之集至宋遇穆伯長始傳非昌黎不薦賢也然使昌黎之文不能卽版行天下未必非子罪也若國博孳孳矻矻以表彰先人爲急其志有過人者予故屢歎之比于蘇子之序

晁氏蓋俯仰文人凡集湮滅不傳者其咎皆在子弟也密菴之集安得不速傳乎哉密菴集傳不獨其立言傳其立德立功並傳矣何也旌其有後也國博宏鼓舞而版行于天下

康熙二十年辛酉暮春門年眷弟宋德宏頓首拜序

宋序

四



劉序

密菴公做秀才便名噪有韻之學中乙未進士筮仕豫州車路藍縷披榛剖莽之餘猶不廢筆墨仕而能學所著書益富迨徵爲鴻臚部出督學八閩閩故晦菴講學地公蒐輯遺書與士大夫倡率主持之以追復乎海邦鄒魯之盛歷六年而經學明古文之家亦以漸出廬居又十二年與同鄉張考功新標嵇杭州宗孟相切劘舊編以古人爲繩尺公獨深於理學而一辭乎剽賊掇拾之習語錄分上下二卷已成梓諸藁次第就板因起大叅未卽補遂歿人謂其位不逮卿貳有用之未稱其才之可惜不知其扶衰起敝於吾黨者亦未竟其志也公論理本於象山詩賦華潤似雲間條議又往往似敬輿淵源家學而得其傳又發

劉序

一

於自然而不離乎其質故風格自上公歿之年而張考功嵇杭州亦數月後遂亾陳黃門台孫年又老余欲求所爲古文辭如曩時二三親知商榷宗要者豈易言哉公歿之二年公之子學正名志謹分其文若干卷詩若干卷請予叙而刊行於世康熙二十年辛酉夏六月朔同里姻弟劉謙吉謹序

劉序

二



徐序

今之世求一文人易求一理學難求一理學於薦紳先生續微言而倡絕學此何人哉先正荆川見薦紳刊集每從而譏之非譏集也譏其於學未也學與詩歌古文辭並攷證六經原始賡颺拜讓疇咨底績而後著一書陳一謨彼六經之根底又何攷耶道也吾人身體力行之理也理不播之

徐序

一

文不能行遠不修辭立誠不能傳後世而貫乎道今山林講學者往往視經世樂道爲二不知道之行非宰魁柄升師儒弟子鐘鼓笙鏞於前而莫能大振也嗟乎以理學論千岐萬派况文章麗雜奇詭剿襲雷同之偽種蓋難言矣予與陸子密菴少同學壯同志密菴成進士知裕州歷比部提福建學政予升沉異致然知密菴高材通

明方正廉絜不自服官時也密菴少孤能奮起儔輩太母太王母教課甚嚴密菴中夜椎心採六經子史含英咀華零需八股制義連售有司旣而幡然曰吾之上書取當世資求之古先聖賢果如是耶文之沈浸釀郁閎中肆外左仁右義果如是耶虞廷拜獻漢唐宋元明諸大家經天緯地果如是耶密菴學凡數變文凡數變而廉雉

徐序

十

關閩之旨始爛然表裏密菴衡文爲八閩考亭延平講學地俯仰興思如逆旅得歸鼓舞湊泊而集乃成使荆川見之當呼緒山東廓賞其文誦其詩快絕學之申也密菴文祖魯齋艸廬而旁溢爲鐵厓淵穎其於君家鵝湖有德性問學之辨允爲考亭嫡傳而暢乎董賈韓歐矣予讀其賦有六朝之蘊藉焉策畧於天文地利山經海誌

禮樂河渠無不詳曉史論發前人所未發序記翩翩乎大雅遺則也雅不喜諛墓以爲近誣故集中闕焉卽密菴耿介可概見後之著述者其興起乎計集凡若干卷年中壽僅六十有三云同學弟徐轉迅頓首拜題

肯

康熙庚申十月之望

徐序

三



陸密菴文集目錄

山陽陸求可成一甫著

同學諸子

參定

閩中門人王森較梓

第一卷 賦 八首

觀海賦

感知賦

春懷賦

登泰山賦

美人舞劍賦

陸密菴文集 目錄

月賦

風賦

秋霖賦

第二卷 論 十一首

天地之大德曰生論

聖王以孝治天下論

井田論

封建論 二

第三卷 論

陸密菴文集

趙盾論

張儀論

漢高帝論

陳平論

皇甫規論

永王璘論

第四卷 書 八首

與徐動盈書

與徐動盈論尊仁書

陸密菴文集 目錄

與徐動盈論道文書

與友人書

與友人論理學書

與督捕徐山琢書

與翰林丘曙戒書

與丘教官書

第五卷 序 二十二首

八閩學政自序

四書稿自序

清代詩文集彙編

方城吟自序

陸氏家譜自序

周易說約序

易盪序

忠烈考序

山水考序

備倭考序

樂府序

真西山先生文集序

陸密菴文集

目錄

第六卷 序

鄭少谷先生文集序

江午坡文集序

吳拳石印藪序

續茶經序

馬餘山家譜序

裕州誌序

鹽政更始序

計甫艸衡廬詩序

汪茗文詩集序

總漕蔡公德政序

太守李公屏序

第七卷 記 十二首

修福州府學記

裕州重修學宮記

修扳倒井光武祠記

虎不入境記

醒園記

陸密菴文集

目錄

重修栢姬祠記

重建王子丹臺記

第八卷 記

造饗堂增塋地記

西湖遊記

花山遊記

誥屏記

貝谷記

第九卷 碑銘 四首

福建重建朱文公祠碑銘

建寧府重建朱文公祠碑銘

陳古靈先生祠碑銘

重建樣樓碑銘

第十卷 誄傳紀行狀 四首

曹能始先生誄

薛母王氏貞節傳紀

先王母行狀

先母行狀

陸密菴文集 目錄

第十一卷 策 十首

兵民

祥刑

吏治

經史

理學

第十二卷 策

儲訓

文體

五

曆律

海運

黃淮

第十三卷 策問 八首

問三皇

問易學

問道統

問歲差

第十四卷 策問

陸密菴文集 目錄

問天體

問堯典

問堯樂

問七政

第十五卷 疏引 二首

募建漂母祠疏

募修朱文公祠引

第十六卷 辨說 六首

賢愚辨

六

清代詩文集彙編

真偽辨

妒說

矜說

驕說

吝說

第十七卷 騷 二首

擬騷

第十八卷 祭文 一首

祭馬神西表伯文

陸密菴文集

目錄

七

第十九卷 跋 二首

六經圖跋

楊龜山先生文集跋

第二十卷 讚 三首

關帝讚

倪鴻寶先生枯木竹石讚

小像自讚

錄餘卷上目

馮虛雲閒園十種書序

道學考序

王貽上詩序

陳別駕詩序

冥遊集序

視聽言動四箴

郊縣論

黃憲論

陳寔論

魯肅論

陸密菴文集

目錄

八

諸葛瑾論

院竹發香記

義塚記

錄餘卷下目

策杖荒

策災異

臍臑

杏花賦

李花賦

桃花賦

老少年賦

荔枝賦

螢賦

鵲賦

與陳教官札

與姚教官札

與顧茂倫

與龔半千

陸密菴文集

目錄

九

陸密菴文集目錄終

陸密菴文集卷之一

山陽陸求可咸一甫著

同學諸子

參定

閩中門人王霖較梓

賦

觀海賦 有引

予少讀張融海賦未嘗不驚其言之河漢而無極也茲以陬月晦前出閩安鎮抵琅琦歷斷嶼山諸澳聞白巖有白雲寺為羣峯巖薛之絕頂遊人往往觀曦輪藻淵隆藻逸駭因躡躋而上是日氛霧冥冥迴烟四塞已心疑臍臍靈體未必獲觀扶桑浴鴉朝瞰飛鳥既至果玄液豐注坐而高簷修霤矣襍被山中三日惟積流委輪渤澥浮天即未窮溟洲伊連已決決然大也因作此賦

粵自圖儀既覆方軸載序百川咸遵萬壑攸聚盡章亥之衡兮莫測熬波竭垓壤之汪漚悉歸巨注若夫青冥晃朗朱明旭煦箕伯合咏以云噓豐隆斂烟而弗吐晶漾沉空漣漪浮縷北溟渺瀰東阮布護斯時也金翅翔光景炎舒顧練碧天際東君曉晤望忽漢

陸密菴文集賦

卷一 觀海

一

於無垠極莽買而莫步。迨夕霏散彩斜陽薄暮長繩
空挂於紫微義馭漸沒夫翠樹千頃茫然一葦可渡
適是日也零雨崇朝拍浪翻盆洪飈熒怒雲蒙昏
鴻濛霾曉以鬱冥波濤觸激而厓喧既訝羣龍之競
鬪復疑萬馬之爭奔大壑龍嘘窮髮鹿渾島嶼隱於
蚡穴琛寶潛於蛟門揚塵飛潤蕩颺湍洄黑雲人立
而晝吼白波山捲而宵掀淪溢震鬼洶湧搖颺盤渦
藏龜鼈詹窟徙鵬鯨渴瀑噴沫浹漂咽吞至於艮嶺
千隻餘艘百輪演演平螭駕灑吹豚合涇渭於入水

陸密菴文集

卷一 觀海

二

通閩闕於九關呼波臣以求活告靈胥以鳴冤嗟予
生之不辰傷日月之將老率胥徒而避亂田橫之遺
址何存領男女以求仙徐市之舊基可考笑漢武驚
聞萬歲於之罘效管寧獨泛孤舟於栲栳望珠璣雙
招之羣峯阻蓬萊瓊樓之衆島吞江納漢濱流瓊抱
香聞百里未見反竟之樹壽延千年空求不死之草
踞支祁以當衝撼天吳而爭道天軸簸蕩只見淵淪
之泛濫地紀坼裂誰挽狂瀾於既倒人迷碧漢水接
蒼吳登武都而泥紫濯錦流而衣縞九載懷襄命神

禹以疏淪七逢旱魃勤殷湯以祈禱蔡珠琳琅瑪瑙
瑪瑙珊瑚絢綵鞞鞞輝藻木難碑磔之船雲精碧髓
之寶神樓上藥劉華蓋餌伏龜之松羽駕玄驢安期
生種如瓜之棗游覽化禽炎女之精衛長存泉力瑛
石秦皇之石橋可造至於瀾瀾沆瀣森森鴻濛但知
高下莫辨西東極八裔而無際滙萬派以朝宗沸騰
洋外滂瀟波中灌沃焦而不盡倒飛滂而無窮金石
殫灼淮泗潰澤曾不增其升勺又何減其涓涓翔翔
黃鵠蚬虬蒼龍變化莫測出沒靡踪倚雀室以遐觀

陸密菴文集

卷一 觀海

三

開窓待東方之旭日對鯨人而偃臥欬嗽聽北角之
聞風驪珠不夜紺貝浮空冥搜潭瀾蒲類之赫域延
駁反踵雕題之分封則有髦鬣流求日本勾瀾或巢
如墨燕或散如沙蟲連臂黑齒斷髮穿胸鱗能吸氣
以爲潮鯨每張鬣而成峯觀蜃樓之繁繁奏鼉鼓之
達達此皆一氣所噓遂成萬態變幻委輸開口以雄
吞尾閭極目而遐盼有時乎蚪逸垂雲何計於飛鳶
乘雁偏有披蓑漁父獨能往來無患若滅若沒自然
習慣倏而風恬倚岸靜觀弄弄茫茫一沼一澗所以

尊爲四瀆之長，號稱百谷之王。積流橫地府，疏派引天潢。長泓淖淖，飛沫汪洋。生雲霓之狀，吐日月之光。果是上真列聖之居，允爲玉女神仙之鄉。蓬島登萊，交趾南昌。水無流而不收，物無類而不藏。西逾弱水，東屆扶桑。崇五岳而鎮六服，配九閩而侔八荒。庶幾得異人之一遇，傳秘授之奇方。上摩員嶠，下絕梯航。望丹丘於縹緲，駕玄鶴以頡頏。誠日擊夫馮翼之雄，奔匪意度於瀕濛之混茫。因援筆而作此賦，適有客哂笑於予旁，曰：吾聞宏垓之外，元氣浮游，渤澥南溟。

陸密菴文集

賦

卷一

觀海

四

環繞九州，區域之表。瀛瀛四週，桀覽兩儀。覆育隕區，重玄穹顙。溫谷陽侯，寥廓蒼落。黑枵窮陬，遊光逸景。翕闔冥樞，鰲足既斷。鵲渚誰遊，幅頓廣衍。四遐六幽，亥步方輿。息壤阻修，龍堆大漠。汾澮惡流，足之所履。目之所收，軋軋渥洼。淡漫沉浮，巨浸激轉。於川瀆，細流爭迴。於壑溝，大之彌綸。廣斥小之涓滴，抔漚子何獨誇天鏡之滴滴。盛稱馮夷之彪彪，饒饒刺刺以媚朋儔。遂足定至大之倪，窮千里之睥乎。夫海之在天，地也。猶章極之等一抔如莖，毛之在九牛。子尚以蠶

測靈淵以管窺瑤洲，宜其卮言無當。娓娓不休，予揖而答之曰：客之言誠善矣。予固未能殫窮夫潮流之道里，請爲畧指其大端。實莫罄其奇詭，頃刻殊形，駭目驚喜。高者爲樓閣，低者爲廛市。車馬雜沓，旌旄列侍。人物轟誼，賓主坐起。予昔至東牟，陟歷熟視，見夫朝曦抱珥，火精出水。流珠光分乎上下，赤羽紛馳於遠邇。菱彩薺華，噴騰淵藻。非形非物，如霞如綺。茲特記閩陬之一隅，何足詫大荒之觀止。傾義催短，將下陽鳥。臚臚沉輝，漸缺蟾蜍。嘆衰齒於崦嵫，尚努力於

陸密菴文集

賦

卷一

觀海

五

末途，予將搔首以問參寥，振翩而步洪衢。與客廻翔於莽蒼之表，徘徊於廣運之都。大圓爲蓋，大方爲輿。騁駕十洲，放浪五湖。何必義不帝秦，羨慕仲連之高蹈。生不逢聖，嘆息尼父之乘桴哉。

錯綜該博，幾與漢人爭長。使木玄虛有積薪之嘆。

感知賦有引

以余貧賤當此別離眷念故山浪游茲土羈士龍於洛下頗動鄉愁託司馬於臨叩自孤客況世路入門各媚壯懷倚劒誰憐乃遇先生有如舊識待狂奴以國士謂公孫有異才遂爾拜表稱衡逢人說項竊知章未遇李白不是仙才得韓愈相推長吉遂成鬼語感恩知己繡趙勝而無絲刻骨銘胸結魏顆而有草用裁小賦粗寫悵懷

何來一士自謂狂生思仇已滿書劒無成屈雙肩而

陸密菴文集

賦

卷一

六

不直白隻眼而難青足無門兮鬼笑奔到骨兮天驚乃爾坐我無籠囚人不竈欲濟兮舟沉將炊兮甑破送不去兮文窮恐還來兮詩餓哀三閭之屈子但有天呵笑百尺之元龍且無地臥若乃令不臨叩客非洛下浣花杜老屋已無茅摘葉坡翁菴猶未瓦憶南山兮敞廬望白雲兮精舍無枝三匝可憐人有石一卷難語者兼以張儉無家元直有母輸馬革與男兒泣牛衣於少婦地欲出人頭天還掣吾肘不能餬口兮四方無那折腰兮五斗寄踪跡於春傭晦英雄以

陸密菴文集

賦

卷一

七

屠狗熱腸一片呼酒澆之俠骨一條問君市否若乃秦書十上齊里五逐楚璞無題燕金未築癡癡懷杞國之憂莽莽下唐衢之哭畏祖遜兮先鞭冀鄭莊兮推轂笑豎子兮已成名怪庸奴兮偏受福我命輸人君才已僕風吹兮江上之簫日擊兮市中之筴撫已解消逢人眼肉身男子兮不封侯反江東兮何面目乃有文章名士義氣丈夫憐人末技慰客窮途許馳驅兮恨晚弗貧賤兮交疎韓昌黎之文扶八代皇甫謐之序走三都遂接陸鴻於茶臼過長卿之酒壚指高軒而命賦先天子以來呼號乃口傳斯章意蘊彌吐一士而無哺待狂奴以不洗竟使談笑談尊于刺譏容鄭繁無驥不遇乎孫陽非龍亦登於元禮貢一寸兮相知莽千秋兮欲涕從此美嘗老母飯進王孫謝郎不問及鹽米王生亦感其飽溫下不勞兮三獻杜無煩兮七奔我已悽同衰鳳感切窮猿飯牛歌白石騎馬在黃昏能不酒杯澆趙土絲縷繡平原金一千兮報母珠六寸兮酬君尚有半丁憐鑿齒敢辭九折過王尊等取他年知國士生平未肯受人恩